



Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava "Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socioekonomskog uticaja energetske krize" utvrđen budžetom Federacije BiH za 2023. godinu Federalnom ministarstvu razvoja, poduzetništva i obrta (Službene novine FBiH br. 60/23) i Odlukom Upravnog odbora Fonda broj: UO-01-3-13-11-1/2023 od 30.10.2023. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u mikro, malim i srednjim preduzećima za 2023. godinu - JP BPEU MMSP 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

O D L U K U

I.

Odbija se prigovor podnosioca prijave Slatkoća d.o.o., bulevar branilaca Dobrinje 6, Sarajevo kao neosnovan.

Podnosilac prigovora ima pravo ponovnog podnošenja prijave u skladu sa uvjetima Javnog poziva.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energetske efikasnosti u mikro, malim i srednjim preduzećima za 2023. godinu – JP BPEU MMSP 2023-1 broj 01-07-03-/23 od 05.12.2023.godine, utvrđeno je da prijava pod rednim brojem 27. nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj 09-12-1076/2023 od 18.12.2023. godine, utvrđeno je da je prigovor neosnovan, prema pravilima Javnog poziva za dodjelu sredstava iz budžetske podrške EU za provođenje mjera energetske efikasnosti u mikro, malim i srednjim preduzećima za 2023.godinu JP BPEU MMSP 2023-1, pod tačkom 1.3. (Korisnici sredstava i uslovi učešća za lot1 i lot2) jasno je navedeno da objekti

koji nisu prihvatljivi za sufinansiranje putem javnog poziva su objekti koji su u fazi izgradnje u trenutku objave javnog poziva, što je i utvrđeno terenskim izlaskom od strane tehničkog savjetnika 01.12.2023. godine.

Uvidom u dostavljenu dokumentaciju, utvrđeno je da podnosilac prijave nema registrovanu poslovnu jedinicu na adresi predmetnog objekta.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Marijan Klaić, v.d. direktor

Broj: 01-09-12-3641 /2023

Sarajevo, 18.12.2023.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a